

諸國史生博士
醫師

〔續日本紀二十七〕天平神護二年五月乙丑、太政官奏曰、准令諸國史生、博士、醫師、國無大小、一立定數、但據神龜五年八月九日格、史生之員、隨國大小、各有等差、其博士者、總三四國一人、醫師者、每國一人、今經術之道、成業者寡、空設職員、擢取之人、繕寫之才、堪任者衆、人多官少、莫能通用、朝儀平章、博士總國、一依前格、醫師兼任、更建新例、職田事力、公廨之類、並給正國、不給兼處、有料之國、名爲正任、無料之國、名爲兼任、其史生者、博士醫師兼任之國、國別格外、加置二人、庶令經術之士、周遍宣揚、功勞之人、普蒙霑潤、奏可、

〔續日本紀十一〕天平四年八月壬辰、勅略中、筑紫兵士課役並免略中、其國人習得入三色、博士者以生徒多少爲三等、上等給田一町五段、中等一町下等五段、

軍團

〔類聚三代格十五〕太政官符

應給軍毅○軍毅政事要略作軍團職田事

大毅四人

小毅八人

主帳四人

右得東山道觀察使正四位下兼行陸奥出羽按察使藤原朝臣緒繼、解稱陸奥國四團軍毅十二人、常直城中、不顧私業、既備機速、曾無微祿、准其勤勞理須優濟、今見國內、乘田數多、佃食者少、伏請准郡司將給職田者、右大臣宣奉、勅依請、

大同四年五月十一日

太政官符

應給軍毅職田事

大毅一人田六丁

小毅二人田各四町

右得征夷將軍參議從三位左衛門督兼陸奥出羽按察使勳四等文室朝臣綿磨、解稱出羽國司解稱、件毅等常直軍團、不顧私業、量其勤勞實須優恤、望請以技出公田、准陸奥國軍毅給件職田者、使加覆